



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**


**Parisiis, 1682**

Hvgoni Abbatii Virziliacen. Ecclesiae.

**urn:nbn:de:hbz:466:1-20006**

cum parati fuissent ad invicem litigare, facta compromissione hinc inde legitima in venerabilem fratrem nostrum O. Ostien. episcopum convenerunt, eodem post multam deliberationem arbitrij sententiam proferente, quam ipse Episcopus in scriptum de utriusque partis assensu rededit, pena hinc inde statuta, si quis ab arbitrio resiliret, sicut in scripto authenticō ejusdem Episcopi continetur. Inde est quod eidem Episcopo Eduensi mandamus ut sententiam illam arbitrij absque refragatione qualibet studeat observare. Si enim contra eam (quod non credimus) temere ipsum venire contingeret, nullatenus dissimulare possemus quin eum ad observationem illius, vel ad solutionem penae statutae, prævia ratione cogeremus invitum. Vnde fraternitati tua per apostolica scripta mandamus, quatenus diligenter inquiras utrum prædictum arbitrium à partibus observetur, & per quam & ex qua causa stare cognoveris quominus ipsum observetur arbitrium, & secundum formam ipsius fiat restitutio ablatorum, nobis non differas intimare; atque in irritum appellatione postposita revocans si quid in præjudicium ipsius Abbatis vel Ecclesiae sua post iter ad sedem apostolicam arreptum, & post appellationem ad sedem apostol. interpositam, temere inveneris attentatum, non permittas ipsos indebet molestari. Verum quia antequam idem Abbas iter arripueret ad sedem apostolicam veniendi, tam eum quam obedientes ei excommunicasse prædictus Eduen. Episcopus dicebatur, & terram ejus supposuisse sententia interdicti, licet eadem sententia latè minus legitimè viderentur, cum ipse Abbas prius ad sedem apostol. (ut afferit) appellasset, per dictum tamen Ostien. Episcopum, ad majorem cautelam, munus ei fecimus absolutionis impendi. Datum Roma &c. xi. Kalend. Iunij.

*Scriptum est autem Eduen. Episcopo ut ipsam sententiam arbitrij absque refragatione qualibet studeat observare.*



HVGONI ABBATI  
Virziliacen. Ecclesie.

Cum status Ecclesiarum & rigor monasticae ac canonicae disciplinae ex majori parte pendeat ex prelatis, ut pote qui probatis vel pravitatis exemplo vel informant subditos, vel corrupti, cum aliquis ad officium prælationis assumitur, per quem committenda ei Ecclesia in spiritualibus possit & temporalibus suscipere incrementum, gaudemus plurimum, & electioni canonicae apostolicum libenter impertimur assensum. Significarunt siquidem dilecti filii Prior & Conventus Virziliacen. per literas suas, & iidem dilecti filii, monachi, & nuncij eorum sua nobis relatione monstrarunt, quod G. quondam ipsorum Abbate viam universa carnis ingresso, volentes suæ Ecclesiae filiali sollicitudine providere, in te vota sua unanimiter contulerunt, patrem te sibi & fratribus suscitantes, qui eis utilius & melius præfis & profis, cum te non alium de vocatum, sed de ipsis eisdem unanimi cognoveris electione assumptum. Circa commendationem quoque personæ plurimum institerunt, afferentes per eosdem nuncios & literas quod talis existas qui & temporalia utiliter dispensare noveris, & spiritualia laudabiliter ministrare, & per quem possint proficere vita pariter & doctrina. Præterea venerabilis frater noster Senonen. Archiepiscopus per literas suas & electioni canonicae testimonium perhibuit, & personam idoneam esse afferuit ad officium abbatarie. Nos igitur super forma electionis nuncij & literis ipsorum, super idoneitate vero personæ fidem dicto Archiepiscopo adhibentes, quem credimus nihil nobis contra conscientiam suggesturum, quod ab ipsis canonice factum est auctoritate apostolica confirmamus, & praesentis scripti patrocinio communimus. Hortamur autem ut in eo confidens qui aperit ora mutorum, & linguas infantium facit diserras, sollicitudinem, ad quam ipsius es providentia evocatus, assumens, talem te subjectis exhibeas, ut te non tam prælatum quam patrem experiantur, & sic se in bonis a te foveri congaudent quod circa correctionem excedentium rigorem in te vigore sentiant monasticae disciplinæ. Datum ut supra.

ARCHIE-

Epist. 189.  
Confirmat  
electiōnem ip-  
sū, horam  
que ut magis  
& fortis animo  
tantum opus  
agrediantur.